



977139

雜詩

人生七尺身，每一浮漚胸中倘無主，隨波任去留。出處無一可身，世集愆尤所以古之人，放心先自求志不溫飽。落落自千秋往者，悔莫及。先生敢自休一朝果卓立，砥柱鎮中流。

謂書必要讀五奇，竟何如謂書不必讀。黔首盡可愚，較量二者，皆異。竟當讀書生知人，有幾。胡為擲居諸不見。農工勤劬，士忝四民，首名下豈徒虛。君子學

致道驚心際過駒

學問無止境，後覺效先覺。昔人有明訓，不知敢妄作。怪哉庸妄子，不羣鈞落落。讀得書數卷，馬鄭詞淵博。吟成數百詩，不讓謝康樂。距人於千里，苦口失良藥。豈知大聖人揚善而隱惡，奈何碌碌輩乃恃虛與約以能問，不能斯可謂好學。

大哉天與地，下隱而上蟠。其次則滄海渺渺而漫漫，俯仰縱橫間，方寸廓以寬。民物吾胞，與於心始覺安。陋彼褊急子，平地生波瀾。其量杯水隘，踏地而踣。天母乃所見，小眼界莫縱觀。

英德張景陽春臺

閉門不見客孤陋而寡聞交遊徒泛泛朱墨亦未分匪
僅德不進其禍且及身不見蔡伯喈失足非可親又若
蘇子瞻傷於比匪人論交三代下與居貴擇鄰世人喜
浮蹤君子獨取真

蔣士選舌鋒開口卽刺訊智愚賢不肖一一有微詞豈
知身受者刺骨深銜之悖出亦悖入反唇互瑕疵我愛
阮步兵緘口絕詆訾所以朋滿座默誦白圭詩

熱息惡木枝渴飲盜泉水甯衆不聖賢病多坐此耳予
取予求輦車與何足齒管子天下才多取非潔已曲逆
佐命臣沒金亦貪鄙士當貧賤日想難顧廉恥我意道

一得山房詩鈔卷一

不然奇節由此始不見狷介者九百與鄰里
天地生萬物物各有用人爲萬物靈知覺而運動於
物苟無補得不自慙悚古人知此義樗樹詭臃腫或名
山著述危言以警衆或効順明時休戚迭戒董隱見迹
雖殊利物心則共胡爲飽食輩畢生在春夢

富貴貧賤境有生天已定此意天不言解人當自省爭
奈機巧徒遂逐肆奔競智小而謀大甚於夏畦病豈知
屢載寒宰相難造命燕公爐鑄財早異盧懷慎所以信
天翁飲啄惟率性

勤儉斯保家此義誰不明一自居城市繁華意忽萌彼

豈不惜費胡乃變其情祇緣城市地風氣太浮輕衣服
要鮮美飲饌要豐盈偶然露寒儉姍笑來友朋未能禁
揮霍那復善謀生寄語保家者居鄉莫居城

寫懷

懶從詹尹卜窮通萬卷橫攤味在中不管閒非吟射鴨
祇餘薄技尙雕蟲小園曾種三竿竹高閣才開四面風
鎮日塵心刪滌盡數聲啼鳥夕陽紅

閨情

唧唧復唧唧秋蛩何歎息深閨獨處人感此增淒悵念
昔未嫁時女紅早勤織凜凜奉母教三從兼四德

得山房詩鈔卷一

三

鳩忽居于歸咏宜室刺繡愛芙蓉在御諧琴瑟誰知棄
路旁征夫赴鋒鏑封侯豈不貴功成枯萬骨何如相借
老郎耕妾任織藁姑今何在關山目莫極空盼大刀頭
無言徒脉脉攬鏡忽自傷顛顛凋顏色有如殘春花飄
落何人惜秋風一夕起棄扇復誰憶賤妾豈無情良人
見何夕感物徵時變不覺淚雨滴古井照妾心生死永
無隔

題漁洋精華錄

主盟中夏踞騷壇山斗聲名遠嗣韓三百詩爲膺 御
覽一時公望重 朝端此中慧業憑心悟空除華嚴現

指彈當代名家無愧色酸膏誰乞賸兼殘

題忠雅堂集

忠雅堂詩興致酣名齊袁趙鼎分三賦成鸚鵡無加點
氣懾熊羆却笑談筆力豪雄山岳動詞源沃蕩海波涵
西江才子公居最宗派曾經次第採

題歐北詩鈔

揮毫頃刻就千言歐北瀾從舌本翻對策早年登上第
名家今日屬專門技如射者能穿蝨術擬劍仙可逐猿
怪道瓣香爭供奉眉山風趣此編存

題黃仲則兩當軒集

一得山房詩鈔卷一

四

曠代高才愛苦吟詩名藉藉到於今本來江夏無雙
爭奈覺宮博一衿久客未歸悲落魄早年不祿喪人琴
雷傳賴有斯編在應共隨園重藝林

春日遊花隸

畫舫飄然泛逝川看花隨到百花前重重錦塢娛心地
緩緩和風得意天藍尾三杯劉白墮山頭一曲李青蓮
詩情酒味兼春色莫負時光學少年

中夜感懷

喔喔雞聲夢未成起看斗轉並參橫黛痕笑指蛾眉月
萼味垂涎雉尾羹除却鍾期誰識曲不辭濟叔大癡生

興來且自題長句付與詩人月且評

西江楊學燮少尹好舞劍槍向余索詩

西江豪士宦東粵時時自弄手中劍縱無唳鶴與貪狼
蛇矛一奮目眦裂忽然嶺海遍紅巾十隊官兵九隊奔
君與其間罔退舍就中胆略獨超羣我思君本服儒服
小試掄元年十六藻芹早已賦噦鸞萃蒿莸必賡鳴鹿
況君武藝夙精強小醜何憂暫跳梁心寒典章雙枝戟
胆破哥舒半段槍萑苻漸滅無妖鳥九品官兒何論小
家聲好自繼樓船定看三載將績考

吳少村太守克保詔城喜賦凱歌

一得山房詩鈔卷一

五

古虞城小而固賊環攻民守護漫山遍野烽火來紅旗
滾滾逐塵埃千尋突兀連雲棧一聲霹靂穿地雷時以雲

梯地雷攻城

是時城中愈震恐兵寡糧空衆難用太守吳公

孫武儔民心感激百倍勇與賊相持卒載餘身先士卒
幾忘軀張侯不病矢貫肘文遠那怕火燃鬚重書旁午
時整暇賊技無施賊避舍恰如趙襄保晉陽何至綏小
盟城下樓槍掃盡福星明照臨合郡慶清平不有安民
賢太守凱歌難唱古虞城

讀晉書有感

典午當陽歷數傳君臣失業竟南遷渡江賢相推王謝

猾夏奸雄幾趙燕懷愍蒙塵誰賦咎苻堅入寇孰當先
敦圖峻叛桓劉篡太息平吳伐蜀年

讀明史有感

燕逐諛與那忍聽袈裟宵遁最飄零建文有叔非周旦
永樂無君是楚靈北郭久慙僧足白西山遙感佛頭青
廢興一夢憑誰問獨坐蕭齋醉綠醞

題陶淵明傳

一代高賢間氣鍾紛紛利祿洗心胸籬邊笑傲惟看菊
徑裏盤桓祇撫松人是羲皇詩故淡令辭彭澤酒逾濃
歸來賦罷先生樂閒向平疇策短筇

一得山房詩鈔卷一

六

蓮花

自出淤泥不染塵朱華掩映綠池濱一生知己推周子
百世流芳爲美人咒罷澄公生佛鉢乘來太乙近星辰
花開十丈如船藕太華峰頭擬卜隣

四時雜咏

草長飛鶯地風和射雉天憑欄時縱眺春色浩無邊
避暑層樓中窓開四面風閒吟消夏句不覺日華紅
秋宵月色多大地影山河我與月相識前身悟是他
藪爐烘煖閣風雪不知寒何當裘萬丈莫使凍袁安

俗士好吟詩競病公然賦塗抹任東西詩律每亙古聊
爲指厥弊弊端約有數稽古力不深未見聲調譜肆散
窄鬱甄平昔多所誤心旣昧迭經口焉辨角羽嘈嘈雜
雜彈安得周郎顧設色詎不費葩華而萍布此道苟未
諳朱紫均可惡譬若芙蓉粉塗向無鹽女不如縞衣巾
家風安淡素外固重章施內宜舍旨趣詩必有至味覃
覃斯耐咀奈何醞釀少令人欲嘔吐食前縱方丈飯羹
等塵土且也感人詩情真無妄語悲壯共纏綿天然發
喜怒出言不由衷外貌徒襲取雖富千萬篇烏足繼李
杜我思古之人功深甘若喻漢魏唐宋明源流口能數
有時發爲詩厥音諧律呂采色兼情味搖筆隨奔赴豈
如輕心輩信口夸詡詡

漫興

廿史縱橫置案前網羅百代仰儒先表成今古譏班氏
例變春秋始馬遷未有三長才學識漫評千載智愚賢
南齊北魏東西晉爭及盧陵五代編

百家詩集恣遨遊鎮日吟哦樂未休敵白無詞輸杜甫
比紅有句羨羅虬聲情忌落三唐後根柢先從六代求
弄月吟風成底事也因未展九天秋

會聞致用本通經句讀粗諳自弱齡漢代誰云箋註陋

宋儒偏見性心靈功開後學推通德局變前人重考亭
寄語吾儕勤學者莫虛映雪與囊螢

架插牙籤萬卷餘最難卒業古人書偶然信口喚羊牟
莫漫粗心課虎虛日辨剛柔隨我讀學窮山海果誰如
半生矻矻緣何事願與諸儒論石渠

題陳賀春祖母蔡太孺人百歲徵詩集

陳琮山人

星高婺女炳南離朗照琮台百歲姿設悅已欣逾耄耄
稱觴詎僅祝期頤想隨王母餐金液應有麻姑進玉卮
鸞誥九霄曾下錫宏開壽域合徵詩

加人不頌孺人賢徧讀琳瑯祝嘏篇一代文章誰比斗

一得山房詩鈔卷一

八

百年人瑞仰南天蕭孫面喜今相識桂子名欽昔共傳
鞠脛未曾聊擬賀更期灰燼慶縣縣

落葉

山爭林落景如何萬樹蕭條減翠柯露冷霜寒金井畔
風清月白洞庭波淒涼溢浦紅綃曲感慨淇泉黃隕歌
鍊得凌冬松柏質匆匆歲暮等閒過

次東坡原韵二首

蒲澗寺

喬木森森蔭寺前晴波滉漾響流泉菖蒲蒲節密生何地
蘭若房深別有天秦代安期聞得道宋時坡老善談禪

只疑澗水人爭浴不見飛昇白日仙

士人七月廿五日
比云安期仙去日

浴日亭

破曉暎暉遠射天金輪萬道浴晴灣珠光倒映濤翻海
雪浪無邊勢撼山捧出黃人應濯足照來烏影頓開顏
須臾走到蒼穹上耿耿陽精滿兩間

遊白雲山

迢迢白雲山羊城境之北峯巒插霄漢黻黷時出沒相
距數十里雲翳目莫極朋儕遊興酣攀蘿登崩劣深澗
咽寒泉古松盤怪石山腰逢寺僧道旁拱手立問余何
所來答以探古迹殷勤導余前賈勇足始及禪房窈以
幽屈曲倚絕壁下視千仞岡憑欄股欲慄縹緲羅浮境
窓前遠岫列僧言安期生仙去在此室清談方干雲塵
心頓洗滌坐久怯衣單涼風吹落日行矣勿復言下山
飛鳥疾迴首暮雲遮不啻仙凡隔

初秋樓上晚眺

西風樓上捲湘簾無限秋光喜晚瞻汲井牽絲搖玉虎
敲門索火响金蟾歸雲遠送鴉棲樹暮鼓潛驚雀噪檐
剛指虞淵愁日落回頭寶鏡又開奩

雜感

觀人於其巨常恐被人欺其人本不肖結局豈不知但

當其始事彼猶強支持舍大而論小邪正辨於斯事出不經意肺肝恍自披縱然工掩著亦若無能爲毋謂簞豆小卽其色見時毋謂金偶視割席從此辭寄言觀入者其要在識微

薰蒼不同器馬牛不同風鷹鷂豈鸞鳳槲棘非梧桐四者不相類早已判鴻濛人亦有善惡隔碍難相通小人心多私伐異而黨同君子無所倚其心實至公旣已性各別詎能類相從縱然強以合有過而罔功何如慎於始不至悔於終

題白香山集三十六韻

一得山房詩鈔卷一

十

少日學吟詩措詞多未圓意之所欲白口每弗能宣自恨讀書少腹笥非便便因之肆涉獵詩句仍欠妍此是何以故想法未細研偶讀香山集其思若湧泉詞源罔或滯混混而涓涓寫景景活現言情情纏綿或爲間適體或歸諷諭編其旨雖各別其詩均可傳吾心豁然達一旦如流川憶公在當日聰慧本授天之無七月識六歲學詩年廿九歲登第萬口共稱賢諫草上朝右詩酒倍流連唱和得元九璧合而珠聯詩人有知己升沉何患焉所以屢任已都無俗慮牽達才鮮窒碍餘事更通禪廣大作教主詩心半佛仙公詩所到處家誦而戶絃

豈惟蒲中夏海外奉奉雖林有相國百金換一篇似
此流傳廣唐賢誰比肩三復何得此憬然悟其然公性
無執拘公心少倚偏公學非僞備公志最誠堅以此發
於詩能致面面全讀者人咸悅快視共爭先當時學詩
者務此一編專卷雖李相掩老猶裴令憐我生千載後
恨未得執鞭幸得讀公詩公詩過三千每到得意處輒
欲作詩箋讀書奈不多寸心徒空懸瓣香竊私淑默默
悟前緣

靜夜

靜夜喜觀書青燈味有餘倦時纔合眼不覺到華胥

一得山房詩鈔卷一

十一

曉起

曉起渾無事行看花發未鳥啼三兩聲塵心俱寂矣

擬老杜原韻四首

天河

涼夜看銀漢昭昭象最明淡雲微點綴斜月映澄清
橋駕欣宵渡枯寒感戍城九秋橫碧落風定浪無生

初月

寶鏡削宵暗嫦娥意弗安蟾光生木末兔影露毫端
眉樣何人畫弓痕入夜寒會當三五夕明月照團圓

擣衣

征夫行絕域思婦響秋砧擣出淒涼曲如傳怨憾心寄
衣胡月冷感舊厯年深何日關山客刀環夢好音

促織

侯至寒虫響淒清易感人婦驚應是懶歲暮自然親微
物徵勤儉長鳴徹夜晨忽聞金石奏唾爾率其真

咏史

大度如君古所希縱然慢罵亦龍飛祇疑免死曾烹狗
翻脫平城冒頓圍

漢高

庚庚夏啟作天王政簡刑清法老莊受賂不教臣下吏
可憐布粟轉參商

漢文

一得山房詩鈔卷一

十一

十萬貔貅出塞邊更從方士覓延年文成衛霍同時拜
漢武英雄誤學仙

漢武

白水真人業遠承天教炎漢還童與若云大度輸高祖
且看蕭王待伯昇

光武

相國功名第一流圖書卓識迥難侔千秋刀筆興王佐
火迫何能效鄼侯

蕭何

吹簫鄉里自微時誰料功成將相奇厚重已教扶漢運
不圖細柳又佳兒

周勃

無雙國士久推公噲等無謀敢比功輸與留侯明且哲

偽遊者莫恨雲夢

韓信

期期底事笑周昌盛怒偏能憚漢皇最是易儲開苦口
特先商皓獻忠良 周昌

三代而還論相臣卧龍岡上一綸巾偏安王業非臣願

六出岐山七尺身 諸葛亮

東山出處繫蒼生絲竹音諧卽太平不解蛟皮王掬相

公墩奚事忽相爭 謝安

江左夷吾善相時安東握節力維持朝廷九錫公辭否

笑殺調言蔡克兒 王導

漫言委質在苻秦正統常尊卽晉臣景畧由來明大義

怪他捫蝨若無人 王猛

一得山房詩鈔卷一 三

典午當塗次第傳黜劉帝魏勢當然燭嫌立傳需丁米

接迹龍門愧孟堅 陳壽

不聽師箴率意行廣陵絕矣更無聲可憐曠代非凡品

譏寡才多了一生 稽康

嘯罷無言祇飲醇如瓶守口善全身有時俗物不如意

白眼看他世上人 阮籍

彭澤歸來賦妙詞香留晚節采東籬北窗高臥羲皇侶

不愧遺民說義熙 陶潛

讀王文成紀功碑

紛紛俗學詆良知那識姚崇善救時試問宸濠謀不軌

將傾大厦果誰支

閻宦爭功忽隱居九華山寺獨看書知公出處皆無碍
仰察飛鳶俯察魚

題谷氏明通鑑紀事

廿首取四首

出身皇覺卜飛昇起事先投郭子興自得青田誠意伯
天教帝業創金陵

樓船十萬戰鄱陽天意與吳友諒亡恰似垓心圍項籍
拔山力竭敵劉皇

明昇繼世失西岷那數重瞳夏玉珍并底由來妄自大
公孫當日是前身

一得山房詩鈔卷一

十四

紅霧滔天北路平廢興如昨記元明燕雲十六州仍在
明祖眞教宋祖驚

英德張景陽春臺

火輪船上觀海

鯁生眼孔本不大量每爲杯水盪忽然乘筏入滄溟
恍惚頭昂青天外銀濤雪浪渺無邊沐日浴月始何年
泛槎空憶犯牛斗添籌幾度變桑田對此茫茫百端集
胸際波瀾輒湧溢爲思巨浪破長風遂爾扁舟駕一葉
我聞蜃氣結樓臺頃刻萬狀海中來何以龍堂鱗屋總
無有但覺鴻濛渤澥相濛澥又聞海上三神山亭亭鼎
足峙其間胡爲圖嶠方壺皆不見毋亦虛無縹緲侈空

一得山房詩鈔卷二

一

談乃知行跡不到處寓言十九多被誤縱云眼福我未
高烟水蒼茫究無據有客爲言觀海潮空諸幻想立丹
霄縱目直窺尾闕外下筆自吐胸中豪客語未終吾點
首不覺腳下龍蛇走詩成向客低聲詢賦海可比木華
谷

航海至大沽洋感賦

夕陽照海波金光明烟燦瞬息暮烟浮輪歇船乍泊喜
見大沽市朋儕互笑譁通事忽宣言各宜檢囊囊速速
僱船去夜行勿駐脚猶豫眾未決夷人頓惡作忍氣暗
吞聲買舟小于杓洪濤萬頃間浮梗無倚着仰視月微

明海天形漠漠片帆一席掛風搖心駭愕自念航海來
祇爲微名博所得有幾何而乃爲束縛生平艱苦境至
險莫此若如其陷不測羈魂漂海國賤軀何足惜高堂
恐不樂感此愈溥然不覺雙淚落有客慰余愁君心欠
開拓豈值風波哉世途原險惡吾儕數修短大造有豪
籥壽豈山林延命非湖海薄矧君文如海百川久同學
河鯉必登門巨魚定縱壑扶搖九萬里天池快寥廓直
上強臺強何愁弱水弱客語尙未終吾心宛雀躍舟子
正繫船登岸如伸螻拈筆急寫詩過此恐忘却

風災行

一得山房詩鈔卷二

二

同治壬戌秋七月粵東風災最慘絕大塊噫噓起崇朝
延及巳午愈猛烈雷公打鼓雲師奔赤鳥蒼狗互出沒
長天漫漫黯無光行者居者皆震懾沿江舟楫遭沉淪
百千船隻僅浮一雄呼雌應捲地來崖崩樓倒大樹折
初疑蚩尤幻妖霧萬怪千奇一時發又如雷雨助昆陽
沙石飛走屋瓦裂迴憶烽火數年前虎狼肆毒人遭唾
今時幸得覩大平蒼穹胡爲作此孽詎怒民頑罔忌畏
故使風伯行厥劫否則蛟龍逞狡獪呼召狂飈各闖捷
仰觀俯察理莫明格物欲起宋儒詰作歌聊以告後人

修德保身非饒舌

到京感賦

一路紅塵障碧天，九霄白日淡幽燕。
有家翻作無家客，生世思爲濟世賢。
得意長安人有幾，觀光上國志彌堅。
不辭萬里征途苦，錯認前身闔苑仙。

寓京望東南諸省

地勢燕京踞上游，東南屏翰拱皇州。
連天青兗環瀛海，分野荆揚近女牛。
億載河山昭帶礪，千重城郭固金甌。
甌居高御下安其所，萬國來庭拜冕旒。

出都口號

征塵滾滾出京華，慚愧長安未看花。
北地幾人鳴得意，南天有客正思家。
數升棧豆飼駑馬，一路垂楊啼暮鴉。
回首五雲猶在望，何時重得上公車。

過銅雀臺

銅臺當日迥丹青，遺迹傾頽霸業銷。
冢事久知司馬預，宮粧偏愛翠蛾嬌。
地連疑塚傳千載，我學樊川咏二喬。
漳水依然東向去，似猶嗚咽恨秋潮。

夜行湯陰道中

驅車湯陰道，夕陽忽西下。
薄暮暝色濃，僕夫策其馬。
石路響鍍輪，行行近中夜。
下弦月無光，未知所稅駕。
雨驟倏顛朴，覆轍剛壓髀。
陷比泥濘深，攬轡亂鞭打。
狂風砭

人肌水火胸中乍道旁隱見人疑是綠林者簇簇靡所
騁非虞道何假策蹇途復進束手箸無借忽聽樵鼓聲
驚魂到客舍僕痛馬更瘡腹饑肉速炙嗟哉風塵苦客
中誰慰藉

過湯陰謁岳王廟

金牌十二下丹霄奉詔班師壯氣銷若使黃龍會痛飲
論功何減霍嫖姚

可惜英雄受困時中原無復漢官儀獄成三字千秋憾
白鐵猶嫌鑄倭遲

門外有秦檜夫婦像

兩宮北狩淚潛潛南渡誰思國步艱扣馬書生能預料

二句得山房詩鈔卷二

四

趙家天子怎生還

沉沉廟貌閱時新凜凜威風自有神軍令如山猶想見

願王殺賊更安民

淇縣謁三仁廟

元鳥雲仍此最仁至今廟貌尙如新去存一脉殷宗祀
死重千秋古聖人志願囚奴圖悟主臣多焚炙剩周親
淇泉此日瞻遺像俎豆馨香定有神

短歌行

在鄭州旅店作

野店無片瓦寒夜集中庭朋儕互戲語東井聚五星余
噤不能答苦饑腹雷鳴呼僮覓酒食夜折報三更須臾

店影至自云酒罄瓶肴截俱無有并缺浮浮然只有雙
弓米舍此難奉承一笑啜少許其甘得未曾始知口腹
害隙因饑渴乘居既類曠野飭尤非青精君子本無求
安飽豈濁情用誌客途苦爲賦短歌行

赤壁

漢末孫曹爭戰處吳軍縱火魏軍去天意鼎足定三分
赤壁一燒成割據壁下江水去淙淙十年古迹化沙虫
坡仙舊遊吾始到惟見夕陽返照紅

武昌道中有感

風塵僕僕倦征車歲月蹉跎志莫如秋至寒生衡浦雁
一得山房詩鈔卷二 五
客中飢食武昌魚鼎爭三國歸吳地實善千年記楚書
日暮城頭喧鼓角鄉關何處又愁余

登黃鶴樓

扁舟偶泊武昌城獨上高樓眺晚晴漢口日斜遙過雁
江頭風動欲翻鯨題詩夙擱謫仙筆此地長留佳嶽名
古跡蒼茫羈旅客一時相對最關情

江上吟

江流滾滾自年年幾度乘舟歎逝川有志澄清聊擊楫
着鞭慚讓祖生先

江波日下慨隨波清濁誰聽孺子歌白水盟心輸我潔

世間自取苦人多

江中秀氣白連城曉起珠光分外明江上有人鍾閭氣
如何金榜尙無名

江流九派共朝宗萬里滔滔赴海東直到蓬萊清淺處
不愁弱水有迴風

息夫人廟

滅息當年總爲卿至今恩怨欠分明人譏有子承新寵
我愛無言念舊情燎火已平君國恨失身應諒妾心清
題詩不忍齊羊后廟貌如靈尙鑒誠

登岳陽樓望洞庭湖

一得山房時鈔卷二

六

我聞洞庭湖水八百里茫茫萬頃浮天際今上岳陽樓
上看大海無風自波瀾千山萬山火忽發湖光激射日
震駭銀濤雪浪渺無邊日華水色相粘連須臾烟消青
峯見的是君山峙湖面浪平更見舳艫來蒲帆千幅一
齊開余亦乘舟徑過去濡染大筆題長句

長沙謁賈太傅祠

洛陽年少才名世絳灌無文能勿忌一爲宦謫渡汨羅
悵觸靈均不得意鵬鳥集舍日初斜益傷卑濕是長沙
可惜漢文稱有道徒虛前席恩未加

下韓龍

急溜西來勢迅疾，怪石嵯峨水中立。水爲石激響潺潺，
白珠亂跳如雨集。一波未平一波起，小船屈曲行蹊隙。
縱橫簸蕩船欲傾，同船諸子皆無色。須臾出險布帆安，
廻看上流波怒沸。吟詩竊仿灌吏篇，磨墨伸紙疾揮筆。
連日闕古今各家詩集感賦

春日卽事

百五風光二月天，畫欄斜倚小樓前。鶯聲載好聽今日，
燕子歸來似去年。雲影淡濃山遠近，春花爛熳雨聯懸。
笑余已醒封侯夢，無復心驚着祖鞭。

消夏吟

八尺桃笙午夢涼，鱸堂猶是水雲鄉。平生心事原無熱，
那覺炎炎夏日長。

醒來移座到蘭池，消受清香是此時。一陣涼颼吹習習，
滿池花葉影離披。

奚奴解事送茶來，當作澆胸酒。一杯潤我枯腸與燥吻，
清思一縷絕塵埃。

庭前匝地樹陰濃，散步蕭然俯仰中。何必涼堂高七丈，

心閒無處不清風

沉李浮瓜興未闌更欣濯足水潺潺間余溽暑從何滌
不在調冰雪藕間

浴罷風前手一編免教邊腹笑便便偶看鏤雪裁雲句
樂趣欣然忘小年

夏日舟行卽事

曉起天無雲冷然清風至放舟順流行塵襟淨如洗卓
午日轉烈渾身汗浹體忽聞大雨來簸蕩舟無止舟子
急卸颿相看面如紙須臾風勢順彼此心安矣去熱情
本恬出險意尤喜爲問幾何時自辰才至未

一得山房詩鈔卷二

八

秦良玉詞

士而或巾幗雌伏誠可羞女而或弁冕雄畧誰與儔偉
哉女帥秦良玉威震川中令嚴肅奮身報國結主知殺
賊安民惟汝獨石砮英名古范韓敵人一聞心胆寒已
爲城亡救遭永旋因軍變定奢安平靖川南趨直北馬
到成功無與敵兜鍪鬚眉粉黛軍前壯顏色我
聞洗氏著高涼懷集百粵威遠揚襲破李遷出不意厚
資陳督知非常更有軍名號娘子韜畧柴郎亦難比旌
旂肅肅赫關中劍戟森森濯渭水不圖千載土司秦戰
功遙繼此二人毫揮御筆詩早賜

明思陵
有賜詩

血染征袍迹

猶新有鍾禿

愧殺男兒長七尺手握兵權束無策勇畧

久已遜蛾眉虛聲強將腐鼠嚇

咏梅四首

爲愛梅花學種梅幾番月下自徘徊安排要有橫斜影
依傍何妨水竹隈壓倒羣芳標韻格應先百卉荷栽培
而今預植和羹味已卜他時鼎鼐才

種梅

賞花最好賞梅花置酒相從處士家東閣開筵無俗客
南窓有月正清華杜陵已索簷前笑坡老曾欣竹外斜
雅愛一時情脈脈癡仙許我結雲霞

賞梅

昨夜天心復一陽今朝折取最芬芳掄魁記兆沂公語

一得山房詩鈔卷二

九

擷秀欣聞鄧尉香插向瓶中高士宅攜來月下美人粧
看花小試探花手不碍名賢鐵石腸

折梅

山中無物表相思驛使相逢贈一枝嶺外定傳芳訊至
窓前猶是故人貽三分雅興應珍重數點春心慰別離
報李投桃嫌太俗要從和靖結新知

贈梅

登韶州九成臺

蕭韶久說奏斯臺此日登臨亦快哉往事已如蝴蝶夢
當年曾見鳳凰來聲容萬古人猶惜基宇頻修蹟未頽
頗有薰風來四面依然解愠阜民財

曾聞五月巡南岳此外何曾駐帝車警蹕旣非臨粵嶠

笙鏞空自憶虞書可憐好事吟韶石未悟斯臺屬子虛
豈是后夔宣雅化八音久已徧坤輿

百粵秦時路始通中天猶未隸旂幟不圖瘴雨蠻煙地
偏有彈琴掄瑟風炎燄何年聞六律荒臺底事竟重瞳
是誰不攷山川紀浪說虞廷此奏公

閔倚闌干忽自維四二年事也難知蒼梧界或連斯域
蒲阪音疑奏昔時江水無聲流渺渺岫雲有影出遲遲
華胥夢與釣天樂未許尋常淺見窺

次黎叔卿廣文見贈元韻

寄來雅調本天成想見心裁獨妙明句比精金饒百鍊
魂隨介石繫三生不曾識面蒙相訪既得談心願結盟
白傅歌成元九和詩篇遠往卽交情

廣文

次黎紫庭見贈原韻卽以送別兼訊其尊人椒卿
忽傳尺素到元亭展讀初詩四座聽送別未歌春水綠
折枝先唱豈條青翩翩逸致仍風雅落落高詞見典刑
應是趨庭聞有異文光射射斗牛星

中秋玩月有懷李周田遊戎

團團皓月滿中秋對影那禁憶李侯幾度啣杯吟白玉
有時攜手上青樓每思顏色眞疑照但得談心可解憂

慙愧桂香今未折多君妙論慰予愁

羊城觀劇有感

珠喉婉轉暗聞香粲爛金釵十二行比似昔人遊月殿

羽衣仙子譜霓裳

曼衍魚龍百戲陳登場傀儡笑翻新羞無故實齊東語
却道當年是此人

作俑伊誰記偃師增華踵事極今時朱門簫管朝連夜
忘却飢民有怨咨

舞榭歌臺一指彈癡兒那悟夢中看可憐衣食蒼生寶
祇博梨園頃刻歡

一得山房詩鈔卷二

十一

安遇

遭逢遲速總前緣豪傑升沉一聽天狗監未來穿犢鼻
馬周無賴登烏肩但期躑地吟孫賦那恐先時着祖鞭
大器晚成休欲速何人逝水怨華年

吳小棠別駕以詩見示賦贈

詞隳玉屑比春華妙咏居然是作家借問詩情何處寄
半緣樽酒半緣花

浮沉瓜李遍郵筒季重聲名自鄴中不是延陵才絕調
如何絳縞總相通

青樓一夢恨當年兩地心情劇可憐讀到揚州留別語

教人那不羨樊川

一見傾心願匪虛雲龍角逐喜相於夜闌酒醒儂思問
憶否花間女校書

做元遺山論詩

誰有光芒萬丈長謫仙才氣並詩王金聲玉振尼山業

豈獨隆名冠盛唐

李杜二公

昌黎詩集最豪雄長慶和平調不同要得詩人三昧訣

雖然異曲也同工

韓白二公

一樹梅花一放翁劍南風趣繼坡公鍾磔詩品分明在

位置何慙列上中

蘇陸二公

一得山房詩鈔卷二

十二

青邱以後更無詩歐北調言足越疑北地信陽全集在

雄渾秀朗冠當時

李崆峒何大復

過先舅氏吳莘野先生別業感賦

生平愛誦渭陽詩別墅悠悠繫夢思今日西州重過問

羊曇那覺泪垂垂

舟泊江灣弔姑丈譚麗垣先生

江行舟泊絲楊灣感逝情深淚欲潛朋輩不知懷友夏

問余何事少開顏

一得山房詩鈔卷三

英德張景陽春臺

寄同年楊曙洲孝廉一百韻

五排

久末鴻儀接遙思驥足馳文章看報國豪俊恰乘時送
子長安去慙予薄宦羈馬蹏行得得鱸尾位卑卑進取
心原一分飛路又歧相形彌見細望影愧難隨迹已雲
泥隔交會肺腑披知今希聚會感舊忽追維就傳欣同
硯論文恥寄籬詩書勤講習砥礪互師資顏苦時相最
潘閔意屢規談深情益暢句得喜難支門捷如翻水爭
雄戲豐旗有樽開北海高會仿南皮技不屠龍幻文成

一得山房詩鈔卷三

一

吐鳳奇共期圖不朽小別問何爲試每前茅列名交藝
苑垂芝蘭徵馥郁臭味鮮差池雅愛性情合聊歌兄弟
宜測交盟戴笠同氣比連枝嵇呂心無異雷陳誼若斯
論年仍未壯樂道總忘疲運際掄才日科逢拔萃期養
精兼蓄銳好學更深思序齒宜尊長當仁不讓師明經
兄入選優行我蒙知異等科齊掇私心竊自惟風雲遲
際會雨露暫榮滋有志雖非逮隨肩幸可追處爲藏積
玉出慕脫囊錐遠志無譏草行踪不揀著公車偕北上
海船附東夷幸出重洋險相占好爵磨觀光遊上國叶

吉願爲儀景記斜風柳心同向日葵庚徐趨 朶殿先

後試

丹堦詩偶蓬萊賦

朝考詩題

詞非藝采摘進

呈

愚上等報捷子微噉諸諱都無避哀懷素罔欺温文同
過夏修屋共捐貲陡覺新涼至因驚節序移秋高爭薦
鶉珠好競探驪若個真佳士惟君遇主司鹿鳴知意得
夔屈憫才遣已寫新知錄偏吟舊雨詩驅車辭北闕征
旆指南離爲愛金蘭誼遲牽傀儡絲搏鵬前有願歸馬
此同騎問路逢田叟推門拜古祠

同拜楊忠烈祠

入林仍把臂

飲酒對擎卮趙北炊難熟漳南塚話疑銅臺議覓硯沐
土歎如棋甲古心滋戚當頭月易虧有川流逝水無岫
崖靈芝溱洧談評且翹薪說刈其竭來非奮伐遠眺共

一得山房詩鈔卷三

二

長憶東漢興王地南陽創業基雖今經禍亂在昔實平

治晚到樊城宿時吟里巷孀

東坡過楚詩句

觀風諳俗禁問水

涉江涓不假華容道遙思墜淚碑余懷方渺渺君色轉

怡怡創論驚三楚雄圖拓四陲戰功輕赤壁練使重峨

嶓公瑾何奇也坡仙庶近之爾時剛抵掌有客正支頤

郢曲誰能和催詩世共推試登黃鶴頂同讀白雲辭樹

古遙瞻矚襟題屢切偲詞鋒方滾滾眼角忽疑疑湘轉

開生面山環列翠眉岳陽多古蹟呂祖拜仙姿樓倚人

難識湖看坐半欹洞庭眞愛彼夢澤合吞伊那管舟尋

發翻教腹不饑長沙聞又到太傅昔曾悲卑濕情無恐

平安境豈危過秦威感喟弔屈太吁噉一路相談笑同
心少詆訛行旌剛到粵涉帖愧爲兒僕閉閒居戶公垂
講學帷抗顏稱院長卽席擁皋比夏五疑從闕隅三數
示奇訂訛刪豕虎解惑辨蟛蜞字問車恆滿經談秘許
窺無人能折角考禮悟埋鬻鴻訊頻商推魚書疊復胎
簽題先下筆卜吉肅明粲掩骼能如是斯文信在茲縱
云非澤骨暴露豈多屍蟻救俸斯術蛇埋異爲私事叨
同擬議功亦判參差厚德堪成物閒情忽納姬風懷真
似我月落更思誰契結三生石遙吹廿載篋中心彌耿
耿勵業記孜孜居久聯床第行常接履基唱予兼和汝
地角又天涯以僕鍾情篤知君結念癡吟成詩百韻輦
效笑東施

和郭筠仙中丞船具十咏

篷

剡木爲舟後憑君庇雨風江河資保障胡越賴幷幪屢
俯元眞首常卑少伯躬乘桴誰似汝推掩笑梢工

帆

一幅蒲帆好乘風快所之采華曾有賦破波此題詩利
不龍驤泊名教鳳起馳潮平兼岸濶恰是正懸時

蒿

風逆帆全卸舟橫忽用篙此君真勁節身才隨洪濤直
道待吾黨斜撐任若曹淺深皆効力濟世憫滔滔

槳

兩漿中流擺扁舟一葉輕打閃西子恨蕩起蔡姬情浪
逐波翻涿溪沿水掉清濟川誰擊楫遙想著鞭生

櫓

忽聽柔聲作輕舟蕩櫓來未吟楓葉下先指菊花開估
客驚殘夢伊人愛溯洄搖搖何處去莫是采蓮回

檣

遠看牙檣影凌空迥不羣布帆全仗汝錦纜久攀君濯

一得山房詩鈔卷三

四

足資流水昂頭喜近雲元龍湖海士百尺早平分

纜

錦纜相需急停橈任取携纏綿芳草渡固結綠楊隄但
令舟維鷁何妨浪跋鯨笑余船不繫何事更羈栖

繹

水逆船行處惟憑眾力均長材堪遠馭一髮繫千鈞直
挽須舟子斜牽賴榜人何當帆遇順解脫繫維身

柁

蠢爾成形質居然鎮碧流功深潛水底力重異金鈞浪
靜緣繩出濤洶當石投狂瀾誰可挽惟汝不輕浮

柁

萬斛樓船重中流自在行遙知憑柁正故不遣舟橫畫
舫安而順長江險亦平把梢能謹慎海宇慶澄清

題畫四首

寫出森森質風標自挺奇作龍成老幹眠鶴聳高枝那
羨秦封貴惟思夏社宜不凋今已悟豈待歲寒知

畫松

萬个疑棲鳳叢篁欲化龍虛心能直上勁節識高蹤湘
管書於手風枝夙在胸此君真洒脫何處著塵容

畫竹

一管生花筆能開冷處花美人原是畫處士便爲家詎
有香浮暗居然影共斜題詩冰雪裏清絕了無瑕

畫梅

一得山房詩鈔卷三

五

久入善人室今題王者香同心彌結契竟體合流芳屈
子難紉佩宜男易夢祥果然滋九畹遺澤卜綿長

畫蘭

團圓歌

六朝勝地板橋東花開錦塢樹樹紅榮陽有女貞且淑
綽約偏饒林下風少小許字名家子隴西甲族明詩禮
豈有愆期歎標梅遙知及笄歌華李充耳以素又以黃
舉案齊眉學孟光懿氏五世諧卜鳳相如一曲喜求凰
一年一年人事變歲月漸深情漸淺賤妾依舊松柏心
良人別覓芙蓉面忽聞絕代有佳人買笑不惜千黃金
昔時言笑唐晏晏今日圖書喚真真新人織練舊人素

夫也得新頓忘故抱衾但喜賦小星報章那復看織女
天孫從此斷佳期空房獨坐淚垂垂犯齋已遭周澤怒
贈婦誰索陸機詩樂府自傷妾命薄命薄不言鐘鼓樂
惟將止水盟妾忱何必終風怨郎謹物換星移春復秋
郎心竟變雨中鳩遇人不淑成棄婦生男敢望字阿侯
積誠畢竟天能動始也獨宿終同夢宛如破鏡合樂昌
笑啻化玉逢韓重乃知繫足結前緣脫輻豈竟羲爻占
楊柳春風吹大地梧桐秋月滿前川春風和煦秋月好
委蛇自此歌偕老錦瑟時時指上彈明珠顆顆膝前繞
珠胎繞膝幾經霜眼見佳兒步玉堂人言教子機杼斷

一得山房詩鈔卷二

六

我道碩人福命長有客向余談娓娓并勸作歌傳其事
欲表蘇蕙妙迴文非關荀卽善煨體我思彼美出金陵
秦淮水綠鍾山青老去江淹無采筆尚有餘波寫不清

重過羊城使院追悼殷遮齋師

公庚子傳臚

廿年臚唱五雲邊視學爭傳使者賢山左文章歸藻鑿

公會視

嶺南英俊入衡銓一科選拔隣予失三載掄優

學山東

許我先

公舉余優行第二

慙愧才華非第一屢叨公取也前緣

科歲試皆

余第一

賈生當日遇吳公願得長依化雨中樂府仁驚歌薤露
師門何處覓春風謫仙原是長庚宿兜率今歸老子宮

絲竹渺然同謝傅西州重過淚揮紅

寄何雲臣許亮工兩同年

綺歲鬢宮賦采芹名場六度冠全軍曾經滄海同觀水
太息潛淵未化雲伏櫪感懷曹孟德傷春猶記杜司勳
函詩寄與何平叔樽酒還思細論文

測交迴憶古虞城誼結金蘭兩弟兄屈指駒過將廿載
關心牛牧話三生羨君學已青緗富笑我官真白水清
何日蓬萊山上立羣仙隊裏共吹笙

題柳毅傳後

世傳唐柳毅家世居楚邦應舉上長安下第過涇陽偶

一得山房詩鈔卷三

七

遇牧羊婦桃臉放霞光生因前致詞女乃訴衷腸自言
洞庭湖龍君其父王誤適涇川子夫也實不良君子幸
下問鯉信煩寄將生遂毅然諾攜書返故鄉書達龍王
所鱗甲忽奮張介弟錢塘君鬢鬣愈鼓揚浩然沖天去
赤龍千丈長所殺六十萬禾稼千里傷涇川讎已報選
生爲東床生作乘龍婿女傳跨鶴方或海濱棲遁或故
里翱翔好事李朝威作傳以表章讀者信爲實目駭心
驚惶我獨蹶然笑此說太荒唐物與人殊類事與理相
妨文士例好奇觀書貴參詳厲言十之九大旨仿蒙莊

讀鄭漁仲通志

軼漢超唐一宋儒自夸學識古來無孟堅詆是浮華士
太史譏非博雅徒十五略中矜特筆數千年史鑄洪爐
近時亦有西河子雄辨高談調不孤

聞陳鼎臣孝廉至邑城詩以柬之

昨適與客語聞君肩輿來想寓黃公店朝夕酣香醕如
何不過訪使我費疑猜嵇呂昔命駕千里猶追陪矧此
咫尺地相去詎悠哉願言歌逝肯舉足毋徘徊逕旣緣
客掃門又爲君開庶見陳驚座恩賜免九回

憶昔初相識一見兩心傾笑談皆率性肺腑各抒誠十
日而九詣元度同此情乃知三生石早結李圓盟豈如
一得山房詩鈔卷三 八
徵逐輩名利徒相爭安得縮地法時時共班荆

送吳小棠移硯潮陽

聞道驅車遠向東征旗輕拂杏花風去年九月才相見
今歲三春去又匆匆縞多情道季子色波觸景恨文通
莫疑到處虛前席吳質才名重鄴中

記得紅梅花放時揮毫各自賦新詩已推少尉胭脂句

謂玉田少尉

更愛先生絳雪詞

皆詩中好句

鳳德有朋欣聚會驪

歌無奈唱分離知君得意揚颿去憶否增江數舊知

秋口登五層樓

巖然百尺五層樓偶爾登臨豁遠眸萬里海濤來一綫

九天雲氣淨三秋羊城景好開圖畫鴉市聲
試爲龍標參轉語憑欄正悔未封侯

地脈由來此發祥趙臺劉塢感滄桑一朝傑
構連霄漢

百代雄圖息霸王舉目河山誰弔古關心節
序近重陽

年來慣作登樓賦到此那禁興欲狂

前明朱亮祖鎮粵
以省龍有王氣致

出趙劉因作
此樓鎮之

與友人同咏紅梅

襟情冰雪洗鉛華不道枝頭燦絳霞高士偶然
難免俗
美人何事忽羞花偏於竹外翻新樣錯認楓
林坐晚車
要是紅顏帶仙骨除非逋老不爲家

一得山房詩鈔卷三

九

林園輕暈報梅開仙子眞疑特地來但有暗香
浮月下
縱然凡豔亦春魁二分雪意紅爐點一段花魂
錦雨裁
東閣年來詩興動平章醉態費敲推

由來紅粉最關情何意梅開照眼明人道濃妝
姿態俗
我知仙眷玉冰清聯婚似祖林和靖作賦休慙
宋廣平
愛殺花時風日麗胭脂一抹影斜橫

吾家少尉愛芬芳手植紅梅第一香綠萼青枝
堆錦繡
彤雲絳雪認昏黃昔時嶺上標垂采此日窓前
理豔粧
驛使再來如問訊應驚春色太顛狂

紅梅植家玉
田少尉署中

謝劉望三明府惠銀鑲椰子花杯

久慙鏤錯遜延之領到花杯喜不支三品惟金錯作飾
五行曰木刻爲卮比于白玉形尤異注以黃流色更奇
昔簪盤前時掩映客來恐笑未相宜

西江鄭象軒茂才見贈四律次韻奉答

當時器識最恢宏難怪交遊嘖嘖稱笑我虜詞蒙刮目
感君痴嗜欲銘膺書來幸許投針芥官冷那譏竊斗升
從此唱酬欣有伴行歌互答比鱗脰

午夜曾陪玳瑁筵不圖酒聖又詩仙千杯莫醉汪汪量
七字頌來句句圓深喜晤談陽止月尙期同咏大羅天
笑君家學傳書帶奚選吾宗萬選錢

一得山房詩鈔卷三

十

駢體槃槃逼庾徐華年眞讀等身書能思雉鼠譏劉廙
便有鴻文步相如惟古于詞必已出愛才若命見心虛

養根族實涵濡久更卜文光射斗墟

五六古今成語

生平意氣欲凌秋橐筆驅車作壯遊南國詞人欣御李
西江英俊正依劉青衿入幕眞名士紅友陶情亦醉侯
畢竟鳳凰池上客權將踪跡等間鷗

友人以其合族祠裕光堂題壁詩見示并索題詩

巋然棟宇一華堂俎豆千秋兆裕光定使先靈賡以妥
更欣後代卜其昌庭前合族膺多祐壁上題詩孰擅場
我愧頌揚無大筆笑吟仄甍賀延長

增江學署有懷長兄慕琴

昔者子由恭厥兄幼小克篤天顯情長列鶴班分鴈行
詩歌還往時輸誠吾少硯田共兄耕賴兄講畫如師生
自從竊祿踈稟承高岡每陟念怵怵先生早蜚庠序聲
文場屢試拔幟登屢試一篇跳出人咸驚僉謂破壁
定飛騰矧復操潔同壺冰纖塵不染質光瑩學行何忝
三代英宜遭盛世和聲鳴有味胡爲仍青燈窮年矻
矻面百城由基潘黨枝素精未顯穿楊百步能或者大
器多晚成搔首欲問天冥冥

三月苦熱

一得山房詩鈔卷三

十一

春風旣不來甘霖復不降杲日赤於火驕陽毋乃亢野
草枯欲燒田苗助難長農夫課雨切莫慰雲霓望百感
擾吾心四體未舒暢晝夜苦炎熱如坐煖坑上夢魂俱
不適非因亦非想胡爲未四月居然火德旺商羊不起
舞踐烏恒動盪季春行夏令萬物失所養

喜雨

油然雲鬣黷沛然雨淋漓陰陽旣和決霖霖自敷施草
木盡向榮禾苗共含滋人情更快暢不啻沁心脾久旱
而得此萬物倍悅怡如飲以止渴如食以救饑施者行
無事受者樂莫支猶是濛濛雨所貴在順時香山知此

義會吟賀雨詩東坡喜雨亭爲文以記之我豈二公匹
振振胡有詞才分雖隔絕志向無等差自從忝食祿素
餐怕貽譏憂心空如焚束手無能爲忽覩甘霖降遙識
天心慈不忍兆億困頃刻起瘡痍作詩記其事覆載信
無私

讀東坡集

近代吟詩客多爲兩弊蒙聲調趨甜俗意義多庸庸欲
掃除羣弊何莫學坡公公詩本天授下學豈追蹤然得
其大畧便可滌塵容公詩無俗調洒脫而清雄公詩無
膚意矯變而靈通落筆筆超曠下字字玲瓏成連海上
音水清山復崇如來說梵偈色相總皆空所以公詩名
赫如日昇東不襲唐賢迹自成一大宗李杜韓白外誰
敢與爭鋒潛心果三復諸弊自消融寄言學詩者慎勿
甘噴龔

贈家玉田少尉

客歲春水生病體幾莫支朋儕誰過問君獨薦良醫幸
未填溝壑賴子隱維持事往心猶感感激在扶危筵開
復折柬切切而慙慙我口雖未嘗我腹儼充饑時時復
過我妙論足解頤不嫌長卿慢雅愛子雲奇凡鳥人題
否白駒君繫維似此情真厚定知才不卑所以梅花放

特寄梅花詩果然和作佳咳唾珠玉隨意高詞愈激堪
傳絕俗姿音才鍾子聽情已成連移更讀船具咏跌宕
而猶夷手持注水箭泉湧發其思言近而旨遠浩渺誰
能窺我學赴巨海號泐竊自疑君反殷獎借逢人說項
斯謂似白傳集無慙黃絹詞贈我以佳什金璫琳瑯垂
能詩吏不俗相知貴在希吟成輒寄子聊以表心期

賀劉望三明府生孫

已看桂子結枝枝又見蘭芬忽吐奇作宦久聞能保赤
中年最喜是含飴王庭儘可將槐植魯頌應歌有穀貽
此日 國恩家慶集知公行樂弄孫時

一得山房詩鈔卷三

三

贈周薇垣茂才

郭解曾傳善解紛弄九妙技又推君魯連譽久三齊播
劇孟名應七國聞永息訟爭銷劍戟調和井里樂耕耘
題詩寄與周公瑾當作朱家列傳文

和友人感時之作

械鬪傷生又耗財一朝忿起患重來竟忘九兩遵師牧
翻動三軍震電雷劍戟多時農器少詩書廢後士風頹
如何守望會相助構怨興兵結禍胎

喜晤郭植庭孝廉話舊

舊雨相逢敘別離十年肝膽愛重披交情自是聯嵇阮

好辯原非論惠夷且喜萃蒿君已賦轉慙首稽客呈詩
而今忘却雲泥迹爲訂平原十日期

輓吳曜巖同年

辛酉舉人時
調參缺訓導

蕭蕭細雨晚春天伐桂吳剛竟作仙小別駒光才四載
量移鱸座未週年故人豈是蓉城主作記誰推李賀賢
一束生芻難致莫思君能不淚潸然

關壁泉同年初入翰林端午日蒙見訪羊城賦贈
競渡筵開擬賦詩忽傳君到喜難支心無半點雲泥隔
手握移時肺腑披盧肇果然能奪錦馬融轉覺愧垂帷
玉堂仙吏鱸堂客相對依依話別離

一得山房詩鈔卷三

十四

當年會面記羊城旅館春深各有情節近黃梅時雨足
窓燒紅燭素心明照盤共唱團團句折角誰夸嶽嶽名
轉盼鳳池旋珥筆羨君捷足獨登瀛

讀江左方公子巖江右華公樵雲兩觀察瑣院聯

吟敬題二律

大筆淋漓仰許燕居然璧合與珠聯文章烟月無前輩
宗派西江衍昔賢觀察同寅欣共濟才人並世定相憐
宦途不少風騷客我愛先生瑣院編

挖揚風雅主騷壇共事秋闈興未闌多一無諱齊下筆
兩公妙舌對翻瀾浙杭唱和同元白石鼎聯吟繼孟韓

各體俱工眞作者麻姑擲米總成丹

寄洪雪峯中翰

紅豆相思寄好音

君寄余詩句

青年洪皓最情深談心莫恨

遲燻燭把臂應教共入林千里懷人殷呂駕一時知己
愛牙琴願言努力加餐飯各惜分陰與寸陰

遊泮遙知僅妙年聰明最是惹人憐八义我遜庭筠捷

七歲君同李賀傳

君言七歲知平仄

定有朱衣來點首但逢紅

友便流涎何時置酒重相會雄辨高談話夙緣

廻首羊城聚首時師門久已訂心知眉勑京兆齊唾畫

時予方謀納妾

肩拍洪厓竊願隨早擬鳳飛同叶吉誰思瀉漸

一得山房詩鈔卷三

十五

未占達雲梯直上知何日在誦龍光燕笑詩

名場幾度憶班荆太息文人各互輕青眼儘難逢阮籍

素心徒自咏淵明何圖覆雨翻雲日忽聽遷喬出谷鳴

爭奈才華輸李白愧無佳句表深情

吳小棠別駕以其曾大父耿廷先生暨其大父贈

亭先生詩集見示爲題二律

展卷燈前子細看奇橫濃淡總平安江流九派春龍躍

華岳三峯秋隼盤遠韻儘堪追杜老清音羌不類郊寒

如何遽赴修文召應是佳詞累嘔肝

右題自鏡一贊集

有筆有書成作者非唐非宋見眞吾化工肖物形原幻

春雨沾花迹豈拘不借諸聲諸沈約別饒樂府唱吳趨
建安詩派沿家學怪道探驪早得珠

右題餘
梅吟草

和友人重九日在何仙祠賞菊

重陽君獨訪仙祠喜得黃花發滿枝佳色縱殊陶令采
落英猶記楚驪辭香餘晚節憑誰惜興續催租且賦詩
料得神仙藏美醞不須九日送東籬

年年點玉并浮金每見秋英便賞心菊與高人原共淡
酒逢佳節倍思斟偶然遊宦烟荒徑莫唱新詞雨打林
幸有瑤章容我和能無子紉發清吟

烈婦行

并序

一得山房詩鈔卷三

十六

余司訓增江署旁有黃姓者年少病亡其婦痛

甚越日縊以殉焉用作詩表之

黃家婦詹氏女夫有病淚如雨夫將危情愈苦夫語婦
兮善事姑有子未長賴卿扶此時婦心堅似鐵百事不
計誓殉夫一朝所天忽分手一勺水漿不入口一時滅
獲疎防守一命畢矣竟罔救陰風慘怛夜臺長黃詹兩
姓同悲傷道旁觀者亦歎息爲他夫婦年少亡我道黃
姓爾勿嗟詹姓爾勿哭柏舟矢節古所難矧今同穴更
勸俗有子且克承宗祧信是泰山非鴻手他年雛鳳長
成日顯揚芳烈愈昭昭

和王仁宇師秋柳詩原韻

欲和陽春笑脫胎詩傳秋柳絕塵埃月明板渚疑搖落
路過江潭又溯澗醉酒先生原愛菊染衣舉子不忙槐
樓臺此日無鸚鵡付與行人重遲徊

西風瑟瑟蕩秋光懶逐春花鬪豔芳遊子斷魂塗雨雪
征人感舊笛山陽隋堤水淺波縈碧楚岸霜寒日映黃
攀折長條愁欲絕旅懷容易觸炎涼

小池暑退熱纔收吟到因風韻獨悠怪底蠻腰今較瘦
由來雁足已傳秋章臺落日猶青眼閨閣前時悔陌頭
寄語關山寒夜客囊砧何苦使人愁

一得山房詩鈔卷三

七

一曲伊涼調最高中年聽罷動牢騷金城舊樹人重憶
白下啼烏晚更嘈學賦秋聲難免拙心懷柳汁笑徒勞
風流張緒今寒否范叔當年有贈袍

調友人

連日雨淋漓因之僕爽約雨霽恨轉生未獲親佳作感
此罷不能行矣迅雙脚誰知僕殷勤君意反落寞到門
疊峻拒毋乃情太薄命駕似嵇呂同舟殊李郭竊疑君
業詩他山失攻錯豈僕門外漢不曉詩中樂否則胡不
納使我心惕若特寄五字詩請君細忖度

增江新建義勇祠感賦

欲慰幽靈此建祠忠肝義胆萬民知生當百戰魂應在
死有千秋鬼莫疑已向仲春陳俎豆漫逢寒食泣棠櫺
我來竊幸同瞻拜憑弔情深且賦詩

讀于忠肅公傳題四絕句

片紙能成萬里功當年威望最崇隆君臣魚水明良合
九廟靈安獨伏公

玉弩將銷一望驚个臣隻手把天擎縱然天子生還日
料得多公報國誠

鼠輩潛謀夜奮門忠魂從此遂含冤千秋公論終難滅
褒語煌煌照覆盆

一得山房詩鈔卷三

六

掩卷燈前有所思人同霧豹要留皮如公社稷功勳大
青史流芳百世知

西樵山紀遊二十二首

大科峯

截業摩蒼穹呼吸帝座通眾峯居其下如隸駢幪中遠
岫矗西北滄海浸南東眼界從此濶浩氣橫太空

東四峯

四峯勢迴環寸膚時觸石雲師弄狡獪紫翠間黃碧山
靈一何幸佳名以此得願言作霖雨毋徒幻五色

獅子洞

石梁垂鴈齒瀑布跳珠起勝境引遊人陡覺遇獅子河
東吾豈畏矧此乃形似倘無馴獅手慙對佳山水

雲谷

雲谷響潺潺天泉左右瀉其源竇以深晝夜罔或舍湛
公悟此旨川上歎逝者書院今雖圯景行我心寫

噴玉巖

珠簾千丈長漫空飛玉屑有如峨媚巔太陽沃積雪仙
人騎白龍烟雲隨起滅坐對水晶域心迹兩清絕

寶林洞

迢迢寶林洞書院當其南文敏霍公建講學正嘉間人

一得山房詩鈔卷三

九

傑地斯靈毓秀競千岩苟無名賢業何以稱名山

九龍洞

龍形已足奇斯洞矧有九蜿蜒而盤拳向人欲張口我
勸龍善潛毋爲燒燕誘果自全其寶變化騰九有

南四峯

東南有數峯峯峯有奇致紫姑上昇處其峯尤秀麗美
人去不返神超形豈滯胡然造物巧化石狀厥異

鳳凰臺

梧桐生何處鳳凰來何年毋乃有丹穴世俗因訛傳山
靈忽語我妙契棄蹠筌我欲答山靈流泉响臺邊

玉廬峯

廬峯八百仞，高可摘星辰。願爾城京粟，普救饑饉民。痾
瘵正在抱，落日忽催人。迴首暮雲隔，蒼茫感慨深。

煙霞洞

吾粵講學者，前明推白沙。高弟湛文簡，結廬於烟霞。五
方來問業，生徒眾如麻。道學今在否，憑弔起吁嗟。

錦巖

綺分兩繡錯，五色耀絢爛。尋丈錦石巖，灼灼照遊眼。巖
外掛明簾，錯落珠璣散。山水何必多，卽此足娛覽。

廣朗洞

一得山房詩鈔卷三

二十

阿衡隱莘野，囂囂幣却湯。西樵廣朗洞，亦有樂堯庄。禮
耕而義種，畝畝樂無荒。斯人今不見，但見垂虹雙。

三疊瀑

匡廬瀑布泉，天下推第一。不意此三疊，噴薄更奇特。光
如刃磨天，响如雷震石。巨靈弄神通，見者恒動魄。

白雲洞

有山皆出雲，雲色多現白。茲洞胡以名，毋亦有來歷。昔
者何白雲，讀書倚峭壁。從古好山川，大半高人得。

寶鴨池

池水碧于油，清新賦鴨頭。夾岸翠連嶂，周圍綠滿疇。

澄峯倒映風吹浪忽愁不見能言物神從象外遊

石泉洞

怪石峙其前奇峯障其後中有鳴琴聲傾聽忽昂首巖
罅泉溢湧直趨天湖口太息方文襄書院今無有

觀翠嶺

萬綠陰濃裏古壁掛松杉山深林愈密陡絕觀翠巖洞
天真碧落衣襟忽蔚藍偶聆幽禽語吾心已了凡

碧玉洞

兩峯如削瓜一泉中陡瀉噴空數百仞匹練從天下青
山漸變色滿眼珠光射奇哉碧玉洞應接真不暇

天字鎮

一得山房詩鈔卷三

三

我登天鎮頂愛其勢雄奇下有御屏山更喜如罌罌
立罔傾倚宿靄蕩朝曦願寫丹青裏卧遊無已時

浦口峯

山麓枕大江隔岸看倒影帆檣疊往來泛棹峯之頂上
下鏡空明微風時牽苻頃刻暮烟浮浦口色已暝

棲雲書舍

循山創書舍結構寬以嚴雙閣朝鳴鳳兩軒夜明蟾樹
陰翠繞屋山色青入簾怪底遊屐眾棲雲壯觀瞻

讀張子羅太守四會守城紀畧敬題一律

危城堅守靖萑苻角歛貪狼履化鳧豈但保民如保赤
須知名將卽名儒甲兵敵畏頻驚胆帷幄功成合奏膚
經濟近時推第一榮遷五馬足馳驅

同年嚴勉農比部見訪羊城賦贈

客邸蕭條戶懶開不圖舊雨扣門來鳳城屈指無雙士

君壬戌科
朝考第一

羊石傾心第二同詩話滄浪饒別趣

論詩極
合鄙意

賦慙平子敢言才如何相見旋相別應爲念前放早梅

一得山房詩鈔卷三

圭

一得山房詩鈔卷四

英德張景陽春臺

秋夜感懷

荇藻交加月滿庭幽懷悵觸酒初醒人情疎似秋來葉
宦迹輕如水上萍建策才慙籌筆驛好名心愛賭詩亭
茫茫百感一時集花影無端又上櫺

遊羅浮山

白雲洶湧兩山巔中多宅窟藏神仙山高三千六百丈
四百世君相周旋層巖疊嶂形非一水簾瀑布數逾千
更有奇珍產斯土無窮靈異傳太古十旬弗返看未足

一得山房詩鈔卷四

一

名勝大段約可數我從羅山西周行浮山東陰陽昏曉
察其中其中誰第一黃龍洞處佳莫及八卦臺隸旁七
星壇在側日射天華宮萬怪千奇排密密迤邐而上有
鏡橋橫空百丈跨丹霄其色蒼然黝以黑鎮定風雨罔
動搖此是巨靈精意相聯絡浮山乃以亘古長博羅山
高至若犀牛潭鳳凰谷水如分兩律鳴六白鶴觀青羊
巖何啻緱嶺金華山其餘好境難盡記怪底高人多到
此丹成仙骨或升天胸無俗累同避地看山正把古迹
搜大風忽吹身欲浮但願飄飄凌霄漢得隨姮娥二子
遊爲問蓬萊山左股何年浮海到炎洲刻石山崖記其

事一洗千秋萬古愁

題釣魚圖

西湖取魚者日供魚數斤取魚不及額市供頗害民昭
諫惻於心諫草尙未陳偶侍錢武肅壁間圖垂綸隱也
奉命題下筆如有神吳越感其語蠲役何其仁使宅魚
不供誰復問水濱何今垂釣者含意仍未伸

題顏夏廷廉訪自怡齋詩草

照眼明珠媚其源出國風冲夷陶靖節清岩陸龜蒙露

冕觀風俗

公會觀祭
淮徐揚海

霓裳咏月宮

公由詞
林出身

嶺南開講席

衣鉢孰傳公

今掌教應元書院
受業諸君皆孝廉

一得山房詩鈔卷四

二

和吳霽軒軍門見贈原韻

五色郇雲降海天筆花燦爛浣花箋詎惟武畧人無敵
更有文章澤愈綿百尺高桐推獨秀一時凡卉敢爭妍
凌烟畫像凌雲賦此日輸公早着鞭

醉歌

去日長來日促事少成心多欲欲訪河上翁身原俗骨
難飛空欲學戴安道星非少微恐被笑歲不與可若何
不如且坐冷壇上日浮大白醉放歌我聞昔時有管樂
得志終能行所學君不見池中龍雲中鶴

題江鏡河同年海岳堂詩草

長卿五字等長城筆勢凌空縱復橫
刁斗森嚴程不識
笛聲嘍唳獨孤生
頻年悵觸拊懷抱一卷新詩本性情
他日洛陽應紙貴
鋒芒誰敢與君爭

題孫稼亭明府粵闈餘事集

軟紅塵踏簿書忙
百里絲牽傀儡場
宦海幾聞工嘯咏
粵闈今見好詞章
揮毫橫掃千軍筆
得土同添陸氏莊
似此文星相聚會
秋高奎壁倍輝煌
唱和于喁意快哉
奚須擊鉢更相催
長城笑受偏師敵
別墅何妨道友來
筆燦江花無俗艷
詞如秋水絕纖埃
嶺南從古多名宦
好繼韓蘇著作才

一得山房詩鈔卷四

三

中秋望月寄呈王仁宇師

宵中星皎潔白露欲爲霜
風吹木葉落桂子正飄香
明月來相照對影忽思量
弱冠戰棘闈意氣頗激昂
自恃射雕手一箭中必雙
詎料技未精百步難穿楊
有如貧家女欲嫁無衣裳
年年壓金線祇爲他人忙
又如學仙者前身非子房
未與赤松遊焉得避穀方
我年幾不惑博士徒竊羊
美人歎遲暮君子類感傷
未知今生世有願可能償
仰視皓魄盈慙愧空相望
作詩呈函丈毋乃哂其狂

次周詠風孝廉見贈原韻

無端石鼓扣桐魚始悔貪眠懶讀書工部詩篇多記實
道衡名士果無虛雲龍角逐雖償願風雅聲華愧莫如
賴是周郎能顧曲更誰驕吝惜其餘

學道當年共撫琴論文久已訂同心別來歲序渾如夢

話到師門感倍深

君與余同出
述齋師門下

鸚鵡輸君先得第龍鐘

似我鮮知音鵬程萬里搏何日默坐鷄窓幾類暗

詠風五疊前韻如數奉答

世六鱗封惠鯉魚呼兒珍重啓來書賤看十幅都題徧
筆落千言信不虛陸士衡文非思少崔君苗硯欲焚如
人生才力關天定不足焉能望有餘

一得山房詩鈔卷四

四

萃鹿嘉賓善鼓琴早逢鍾子得知心才如夷甫談偏妙

路過山陽感更深

君昔于何小範學博
爲志年交屢見吟咏

不薄今人徵卓

識獨彈古調有餘音遙知大雅扶輪手厭作無聲啞樂

啞

錯口誰箋柳貫魚行看東觀讀奇書青藜光映同劉向
白鳳文高步子虛寶氣騰天宜俗駭金聲擲地有誰如
卽今雄踞騷壇上墨瀋淋漓祇事餘

長安伯玉碎胡琴不惜千金警衆心一旦才名馳日下

幾篇感遇最思深纖新盡掃齊梁調古雅遙存漢魏音

震贖發矇如夢覺當前作者口如啞

濠梁莊叟樂觀魚秋水南華出異書自古文心多變幻
由來慧業契空虛鏡花有影春無迹珠采騰輝露弗如
一點靈犀元妙處解人悟澈蘊奚餘

昌黎曾賦穎師琴語妙歐陽欠會心賴有坡仙能識曲
不然斯道孰觀深遙情本寄水山外奧旨難尋縹緲音
鸞鳳碧空饒遠韻未逢知已托鷄啼

名士深慙誚鯽魚曹倉鄴架特藏書敢夸考據能詳核
但欲聲稱免盜虛日判剛柔隨意讀文成潮海正思如
養根埃實咀含久游刃恢恢自有餘

淵明慣撫無絃琴自是針砭世俗心才士生今憂反古
與人交淺戒言深久聞獻璧曾遭則慢道焦桐遇賞音
南郭潛逃竽不濫爲憎多口正須暗

難期三尾兆鱸魚僑位閔官好讀書坐有彭宣資數學
道探羲易悟盈虛吟詩竊比王摩詰作賦遙師馬相如
只是宦囊太蕭索多文致富橐無餘

最憐同調比青琴可是君心卽我心羊石重逢欣雅集
鴻詞疊騁見功深引商刻羽高岑韻憂玉敲金正始音
敢道偏師無退舍畧如鴉噪未能暗

再和詠風疊前韻

浣花變化等龍魚讀破嫺嬛福地書識字不詳烏有篆

揮毫誤寫虎爲虛文心劉勰選言富詩品司空出鑿如
成竹在胸書借手吾將妙秘抉經餘

薰風幾曲奏瑤琴陶寫年來感慨心蓬島丹成將骨換
苔岑契合轉情深文章河岳英靈氣歌咏商周雅頌音
天下奇才能有幾嘶聞騏驥馬都暗

濤翻海底募鱸魚豈獨中藏尺素書預卜化龍興雲雨
更看爲鳥人太虛區區淺見疑奚適落落高踪有孰如
笑殺弋人何所篡枉施繪繳計胡餘

長公謎語一張琴解悟全憑智慧心大抵近言多旨遠
誰知淺說轉精深意能喻馬原無迹目送飛鴻妙有音
樓閣華嚴空際現拈花微笑莫嫌暗

一得山房詩鈔卷四

六

笑將書酒比熊魚飲酒尤須讀妙書客滿坐中瓶未罄
人能鑑古鏡懸虛休疑督亢前賢惜聞道螟蛉貴介如
底事借還憑此物都緣布粟谷贏餘

南薰殿奏五絃琴阜解羣欽愛有心夔拊龍言聲自遠
鳳儀獸舞感何深堪唾下里翻新曲未識中天有古音
記得聞韶忘肉味一時鄭衛總同暗

偶成

小築幽齋十笏寬閉門靜坐寸心安鄭公草喜窓前滿
博士詩吟日上團桶架有書隨意讀晚餐無酒亦情歡

年來悟得忘機旨偏耐青毡一冷官

借友人章豈績思綺堂文集送還時并酬以酒一

紙

思綺堂文擅色絲感君厚意喜難支荆州肯借緣非淺
趙璧懷來尙勿辭恰比娜嬛書讀異不殊載酒字探奇
笑余宦橐蕭條甚無物相酬僅一紙

火災歎

火之始然一星小故而不撲滅勢必成災君不見增江
鳳凰山演戲登時臺榭化爲灰一解歲在壬申三月初

八日當卓午飄風發發不識何人燒紙錢條忽神壇光

一得山房詩鈔卷四 七

辣撻二解爾日觀劇人約幾千號呼奔竄沸騰百川壯

者逃生矣老弱實可憐屍填衢巷不忍睇哀此無辜代
籲天三解吁嗟乎所費屬不貲爲歡祇頃刻集士女兮

往觀喪廉恥兮聲色常且敗夫風化變更陷夫不測胡
爲乎俗尙奢華胡不思戲原無益我作歌徒太息四解

求雨口號

八品官兒一炷香經旬虔祝拜東皇敢云禱雨天隨降
祇恐無禾地盡荒四野此時需霖霖三春底事展陰陽
朝端不少爲霖手調燮均平歲自禳

幾度同雲又放晴春深綠野少人耕三農久切雲霓望

百穀全馮膏雨生長願黎元賡既渥莫教蒼赤失豐盈
腐儒竊幸沾升斗擊壤成歌頌 太平

贈倪雲癯少尹

聲華藉藉久聞名邂逅何期遇穗城日下雲間齊抗手
文壇筆陣各談兵潔非元鎮情奚癖學比倪寬議頗橫
試望團圓三五月一枝原自桂林生 君原籍桂林

單子輝孝廉別十年矣蒙見訪羊城云將航海入
都出宰西江喜而有贈卽以送別

判袂瑤京已十年者番相見倍相憐談深乍剪窓前燭
話別俄乘海上船愧我微叨博士精羨君快着祖生鞭

一得山房詩鈔卷四

八

西江舊有甘棠蔭崇德由來賴象賢

尊人藻林觀
察曾守臨江

萬秀山先生七十一壽詩

嶺梅初放小陽春報道觴稱攬揆辰四百廿三翁甲子
七旬開一歲壬申東方洗伐饒仙術南極輝煌耀老人
薄宦遠羈難鞫脛寄詩鳩祝倍情親

題温建齋上舍圖

何物畫工善寫真我冠博帶能傳神七十老翁鬚眉古
建齋其字道姓温先生少小性樸醇無多嗜慾克安貧
橫經負耒匪朝夕作苦能勤空乏身矧復仁孝善事親
定省温清無間言服賈遠遊不得已亦必瞻望慰閨門

仰事俯畜倫艱辛惻惻無華德遠聞皇天眷祐家漸裕
先生有餘周里隣耳鳴陰德口難云長嗣從此賦采芹
善人有後豈虛語枝葉茂盛培本根今君少子頗好文
愛我韻語劇清新感其拜求意真切筆花亂落藻繡紛
君不見畫圖僅能寫君貌題圖兼可狀君心

四十有感

窮年矻矻苦吟身彈指俄驚四十春漫道讀書儒爲已
誰知鑄硯墨磨人宦遊增水雖沾祿冷坐寒氊也愴神
何日鵬程搏萬里平生夔屈一時伸

懷人詩

一得山房詩鈔卷四

九

廣厦千間杜少陵羣才得庇喜難勝那知桃李公門滿
別有壺心一片冰

殷述齋師

到處逢人說項斯不堪迴首記吾師多情祇有梁間月

曾照當年舊講帷

茹雲階師

詩古文詞各擅場淵源漢魏及三唐驚心遠絕廣陵散

絲竹何時聽後堂

何鄭堃師

南宮捷後便栽花等到棠甘日已斜我愧夙叨時雨化

廿年猶憶絳帷紗

葉吟臯師

性禾善米養心田道學遙遙接古賢除却天真無著述

一時作者讓公先

吳善菴先生

若論衡文最感公無花老眼豁雙瞳虛堂懸起秦宮鏡

肝膽昭昭在箇中

傅維五先生

廿年辛苦列賢書四上春官遇轉踈幸有鱸堂作退步

不須楊億薦相如

張子康孝廉

剽犀射虎著勳猷豹畧龍韜第一流屈指年華荀羨少

牙璋握節鎮閩甌

吳霽軒鎮軍

矍鑠精神海鶴姿先生今世鄭安期餐霞煮石渾閒事

最愛慈雲一片垂

萬一笑先生

百尺高樓氣吐虹生平議論最宏崇君宗別有陳驚座

莫使家聲替孟公

陳鼎臣孝廉

一得山房詩鈔卷四

十

結納名場雅慕君公然直諒又多聞當年曲誤曾叨顧

崔陸相形硯欲焚

周詠風孝廉

未到蓬萊海上山聲華久已滿人寰而今香案稱仙吏

故舊依然樂往還

關璧泉太史

忝持木鐸唱鸞旂正值同年賦紫薇隔別雲泥相遠甚

讓君麟閣彩毫揮

陳雲樞中翰

蓉江風骨頗峻嶒談藝居然契上乘不道南宮遲報捷

出頭猶未放廬陵

歐蓉江孝廉

春秋比我廿年高湖海元龍氣尚豪底事寒氊仍穩坐

不將鷄割試牛刀

陳六雲孝廉

椒卿瀟酒絕纖塵。妮妮清談最動人。記得佳章連贈我。
黎椒卿廣文

司空着手總成春。
倫棧卿孝廉
走馬千門看榜花。一時藉藉滿聲華。龍門若更傳倉扁。
也是岐黃第一家。

金屋謀成便貯嬌。風懷似我記星橋。才人自古情癡甚。
陳星橋廣文
樂府曾傳唱踏搖。

浮瓜沉李樂相於。高會南皮數載餘。爭奈同心偏異地。
吳曜若孝廉
每思吳質卽郵書。

讀罷瓊臺旅次詩。纏綿悱惻沁心脾。若將唐代詩人比。
李悟雲學博
自是傷春杜牧之。

一得山房詩鈔卷四
士
雅度如君有幾人。文章交道信通神。黃香自是無雙品。
黃筠卿明經
底事衡門尙困身。

博覽今時有伯鸞。才名久共仰槃槃。如何百步穿楊手。
梁功甫明經
一榜猶難走馬看。

角逐繁華實有徒。不期雅淡見林逋。青鞋布襪寒瓊坐。
林雪樵廣文
那愧皋比一大儒。

李賀文名世早推。去秋同醉菊花杯。高談雄辨輕餘子。
李雅林廣文
青眼逢予偶一開。

弱冠騷壇拔幟登。雙螯無敵蟹橫行。同年不少能詩客。
那似王維有正聲。
王心友廣文

洪君年少最情多子野風懷喚奈何自古文人多寄托
酒龍詩虎又笙歌

洪雪峯中翰

同儕風調孰溫柔第一候芭莫與儔錯認夷門呼隱者

先生將仕學而優

侯紹周廣文

握手河梁小雪天思君那不嘯鸞箋交情車笠今猶昔

彈指駒光又一年

萬敏齋茂才

屢憶芝輝賦采蕭湖洞爭奈路迢迢不知季子三年別

頭上霜毛肯見饒

吳端山提舉

丰姿鶴立甚昂昂更有英名冠序庠家事莫言無長物

由來佳句早充囊

巫麟閣廣文

一得山房詩鈔卷四 七

十年前喜醉青樓閱盡繁華忽轉頭萬事原來淡似水

羨君智慧悟浮漚

楊厚甫廣文

弱冠欣能舉孝廉賈終才譽一人兼笑余曳白同張甬

廿載那堪憶暑檐

萬勵卿孝廉

生平氣味果誰親風義由來屬此人我與公綏交廿稔

情同管鮑誼朱陳

成茂春提舉

兩袖清風五嶺傳官聲儘可繼劉錢偏于張協殷勤甚

感激歐陽讓後賢

劉望三明府

矯矯胸襟迥不羣飄然萬里入青雲農曹主者知錢穀

我學陳平語贈君

家竹山農部

脂韋習氣染人多風骨錚錚愛鐵波了却塵心無一物
祇餘清興發高歌

黎鐵波明經

一得山房詩鈔卷四終

一得山房詩鈔卷四

三

跋

吾邑張春臺先生少負異資長益嗜古爲文諸體兼工尤深於詩積年所得約千首然秘不示人以知音者稀也憶余甫弱冠卽從戎江浙各省雖聞公名而公詩尙未得讀也迨余鎮守南澳得與公聯兒女婚姻蒙相倡和旋以大集見示盥誦數過莫窮其趣凡古人所未道與今人所欲道者無弗達其意而暢其情焉愈以歎公詩之不可及也探其根柢大約浸淫于六朝三唐吸精華而棄糟粕乃能心裁獨出卓然成一家之言余雖寡學不足言詩然竊觀近世所稱才學士者其詩未有過於公者也則公詩之必傳無疑哉

同治十一年孟夏吳光亮謹跋

一得山房詩鈔卷一

之阿所好

册数	1
定价	2.50



085